

अथ तृतीयोऽध्यायः

तीसरा करम-योग अद्ध्याय

(अद्ध्यायमङ्गलम्)

मार्च मास, तारीख बाह्रमीं, वार सनीचर बरस ईसवी।
दो हजार पै सोळ्हा कै दिन, सात बजै पै पिचपन मिनटै ॥ १
आज सबेरै सरू करूँ मैं, अद्ध्याय तीसरै की ब्याख्या।
करमयोग का बर्णन इस मैं, कर्या किसन नै अर्जन तैं सै ॥ २
ज्ञानमार्ग सै मुस्कल सब तैं, भाणै पाँ चालणा छुरै पै।
इस तैं आसाँ करमयोग सै, काम कराँ हम कोए, म्हारै ॥ ३
बस मैं सै यो, पर जिस खात्तर, करम कराँ वा इच्छा पूरी।
होणा कोनी म्हारै बस मैं, इच्छा जै पूरी, लोभ बढ़ै ॥ ४
नाँ जै पूरी, गुस्सा ऊट्टै, राग द्वेस बी बढ़दे जाँदे।
माणस पड़ कैँ मोह सोग मैं, बँधदा जा सै, बँधदा जा सै ॥ ५
इस कारण करम करो सब पर, फळ नाँ चाहो, बँधणा किस तैं?
पूरी जीवनसक्ति लगाओ, निस्काम भाव तैं कर्माँ मैं ॥ ६
करदे करदे करम सदा ए, जीवन जीयो पूरी आयु।
करम करै सो साल्लाँ ताँहीं, उपनिसदाँ मैं या बात कही ॥ ७
इस मैं चित्त लगाणा होवै, करमयोग का सीद्धा रस्ता।
कर कैँ करम मिलैँ जो फळ तो, भोग्गो उन नै त्याग भाव तैं ॥ ८
फळ दाता परभू नै अर्पित, परसाद समझ कैँ वो परभू का।
माणस जो खुस सै रहँदा वो, आसा कुण्ठा ओर निरासा ॥ ९
उस कैँ मन नै छून्दे बी नाँ, न्युँ आण्णे कर्म करणियै की।
बुद्धी उजळी निर्मळ हो कैँ, समता मैं निस्चित टिक ज्या सै ॥ १०
मूल प्रकृति कैँ निकट फ्हाँच वो, पुरुस परात् पर मैं मिल ज्या सै।
भोत कही, भरमाया मन्नै, आओ चाल्लाँ सज्जै धौरै ॥ ११

जित वो कुरुओं कै राज्जा नै, गीत्ता का ग्यान सुणावै सै।।
अर्जन जो हाम् बण नाँ पावाँ, धितरास्टर बी बणाँ कदे नाँ।। १२
सज्जै तो कम तँ कम बण ज्याँ, ग्यान कठै धितरास्टर-स्याँ नै?।
या ए म्हारी सिद्धी मोट्टी, ईस क्रिपा तँ पावाँ इस नै।। १३

अर्जुन उवाच

ज्यायसी चेत्कर्मणस्ते, मता बुद्धिर्जनार्दन।
तत्किं कर्मणि घोरे मां, नियोजयसि केशव।। १

अर्जन बोल्या

(ग्यान करम मैं तँ एक बता)

बेहतर जै करम तँ तन्नै, ग्यान मधुसूदन, लाग ह्या सै।
तो क्यूँ इस लड़नै-भिड़नै-से, घोर करम मैं मन्नै पेलेँ?।। १

व्यामिश्रेणेव वाक्येन, बुद्धिं मोहयसीव मे।
तदेकं वद निश्चित्य, येन श्रेयोऽहमाप्नुयाम्।। २

रळी-मिली-सी, साफ नहीं जो, उन बात्ताँ तँ बुद्धी मेरी।
भरमावै सै, एक बता वा, निश्चै कर कैँ जिस तँ मेरा।
भोत भला हो इत बी, उत बी।। २

श्रीभगवानुवाच

लोकेऽस्मिन्द्विविधा निष्ठा, पुरा प्रोक्ता मयानघ।
ज्ञानयोगेन सांख्यानां, कर्मयोगेन योगिनाम्।। ३

स्रीभगवान बोले

(करमयोग फेर कह्या किसन नै)

इस दुनियाँ मैं दो तहियाँ की, समझ बताई पहल्याँ मन्नै।
ग्यानयोग तँ ग्यात्री जन की, करमयोग तँ योगी जन की।। ३

न कर्मणामनारम्भान्, नैष्कर्म्यं पुरुषोऽश्रुते।
न च संन्यसनादेव, सिद्धिं समधिगच्छति।। ४

नाँ करम नहीं करणँ तँ सै, करम बिना सै होन्दा माणस।
अर नाँ ए सन्न्यासै तँ सै, सिद्धी कहे पान्दा माणस।। ४

न हि कश्चित्क्षणमपि, जातु तिष्ठत्यकर्मकृत्।
कार्यते ह्यवशः कर्म, सर्वः प्रकृतिजैर्गुणैः।। ५

नाँ कोए छणमात्तर नै बी, बैठ सकै सै करम कर्याँ बिन।
कर्म करावैँ कर कैँ बेबस, सब नै प्रकृती के गुण तीन्नूँ।। ५

कर्मेन्द्रियाणि संयम्य, य आस्ते मनसा स्मरन्।
इन्द्रियार्थान्विमूढात्मा, मिथ्याचारः स उच्यते।। ६

हाथ, पाँव नै, जबाँ, गुदा नै, जननेन्द्रिय नै बस मैं कर कैँ।
जो बैठै सै मन तँ सुमरण, करदा उन के बिसयाँ का पर।।
मोह पड़ी सै उस की बुद्धी, झूठ-मूठ का सद् आचारी।
वो कुहावै इस दुनिया मैं, सिरफ दिखावै खात्तर माणस।। ६

यस्त्विन्द्रियाणि मनसा, नियम्यारभतेऽर्जुन।
कर्मेन्द्रियैः कर्मयोगमसक्तः स विशिष्यते।। ७

जो पर अपणी इन्द्री मन-सँग, बस मैं कर कैँ करम करै सै।
काम लेन्दा इन्द्रियाँ तँ, करम-योग पै चाल्लै सै जो।।
राग द्वेस नै छोड फळाँ की, इच्छा नाँ करदा वो माणस।
उस ढोङ्गी तँ आच्छा हो सै, नहीं फँस्या वो खास बणै सै।। ७

नियतं कुरु कर्म त्वं, कर्म ज्यायो ह्यकर्मणः।
शरीरयात्रापि च ते, न प्रसिद्धयेदकर्मणः।। ८

सामाजिक स्थिति, वरण धरम नै, आश्रम स्थिति उमर धरम लख अर।
सास्त्राँ मैं निश्चित करमाँ नै कर, नहीं करण तँ करणाँ आच्छा।
काया बी तेरी नाँ चाल्लै, करम बिना तो अर्जन, कहे।। ८

यज्ञार्थात्कर्मणोऽन्यत्र, लोकोऽयं कर्मबन्धनः।
तदर्थं कर्म कौन्तेय, मुक्तसङ्गः समाचर।। ९

यग की खात्तर कर्यै करम तँ, ओर करम जो हो सै, उस तँ।

दुनियाँ या बन्धन मैं पड़दी, यग की खात्तर कुन्ती के सुत।

छोड राग नै करम सदा कर ॥ ९

सहयज्ञाः प्रजाः सृष्ट्वा, पुरोवाच प्रजापतिः।

अनेन प्रसविष्यध्वमेष वोऽस्त्विष्टकामधुक् ॥ १०

साथ यग्य कै परजा रच कै, पिछलै बखतँ बोल्ल्या विधना।

इस तँ सृस्टी करो आपणी, यो अर थाह्य हो इच्छापूरक ॥ १०

देवान्भावयतानेन, ते देवा भावयन्तु वः।

परस्परं भावयन्तः, श्रेयः परमवाप्स्यथ ॥ ११

देवाँ नै खुस राखो इस तँ, वैँ देव रखँ राज्जी तम नँ।

एक दूसरै नै राज्जी कर, कल्याण भोत तम पाओगे ॥ ११

इष्टान्भोगान्हि वो देवा, दास्यन्ते यज्ञभाविताः।

तैर्दत्तानप्रदायैभ्यो, यो भुङ्क्ते स्तेन एव सः ॥ १२

मनचाहे भोगगाँ नँ तम नै, देव देंगे यग्य तँ खुस हो।

वैँ जो देवैँ, नाँ दे उन नै, जो भोगै, चोरै वो हो सै ॥ १२

यज्ञशिष्टाशिनः सन्तो, मुच्यन्ते सर्वकिल्बिषैः।

भुञ्जते ते त्वघं पापा, ये पचन्त्यात्मकारणात् ॥ १३

यग तँ बचदा भोगगण आळे, होन्दे छुटदे सब पाप्पाँ तँ।

भोगैँ वैँ तो पाप्यै पाप्पी, जो रन्धैँ सँ आप्णी खात्तर ॥ १३

अन्नाद्भवन्ति भूतानि, पर्जन्यादन्नसंभवः।

यज्ञाद्भवति पर्जन्यो, यज्ञः कर्मसमुद्भवः ॥ १४

नाज्जाँ तँ हौँ प्राणी सारे, बादल तँ सै नाज निपजदा।

यग्य कर्यैँ तँ बादल होवै, यग्य बणै सै करम कर्यैँ तँ ॥ १४

कर्म ब्रह्मोद्भवं विद्धि, ब्रह्माक्षरसमुद्भवम्।

तस्मात्सर्वगतं ब्रह्म, नित्यं यज्ञे प्रतिष्ठितम् ॥ १५

करम बेद तँ, त्रिगुण ग्यान तँ, प्रगट जाण ले, बेद प्रगट सै।

अक्सर अविनासी परम ब्रह्म तँ, इस तँ सब मैं व्याप रह्या वो।

ब्रह्म नित्य सै यग मैं स्थापित ॥ १५

एवं प्रवर्तितं चक्रं, नानुवर्तयतीह यः।

अघायुरिन्द्रियारामो, मोघं पार्थ स जीवति ॥ १६

न्यूँ घूम्यै यग कै चक्कर नै, नहीं घुमावै सै जो माणस।

पाप करै सै सारी आयू, इन्द्रीबिसयाँ मैं ए रमड़्या।

व्यर्थ साँस वो अर्जन ले सै ॥ १६

यस्त्वात्परतिरेव स्यादात्मतृप्तश्च मानवः।

आत्मन्येव च संतुष्टस्तस्य कार्यं न विद्यते ॥ १७

(आतमरति की परसंसा)

जो तो आप्णै मैं ए रमदा, आप्यै तँ ए धाप्या माणस।

आप्णै मैं ए सन्तोष करै, उस नै करणा किम्मे नाँ सै ॥ १७

नैव तस्य कृतेनार्थो, नाकृतेनेह कश्चन।

न चास्य सर्वभूतेषु, कश्चिदर्थव्यपाश्रयः ॥ १८

नाँ उस नै करणै तँ लेणा, नाँ नाँ करणै तँ इत किम्मे।

नाँ उस नै सब भूत्ताँ मैं सै, कोए मतबल तँ अर मतबल ॥ १८

तस्मादसक्तः सततं, कार्यं कर्म समाचर।

असक्तो ह्याचरन्कर्म, परमाप्नोति पूरुषः ॥ १९

(करमयोग की परसंसा)

इस कारण फळ या ओर कितै, राग भाव नै छोड जमाँ तँ।

बिना रुके कर्तब कर आप्णा, राग छोड कैँ करम करणियाँ।

परम ततव नै पावै माणस ॥ १९

कर्मणैव हि संसिद्धिमास्थिता जनकादयः।

लोकसंग्रहमेवापि, संपश्यन्कर्तुमर्हसि ॥ २०

कर्तब कर ए परम सफळता, पाई थी रै जनक-जिस्याँ नै।

लोगगाँ नै न्यूँ राह दिखा कैँ, जोड़न नै बी समझ करम सै।

करण ठीक तनै रै अर्जन ॥ २०

यद्यदाचरति श्रेष्ठस्तत्तदेवेतरो जनः।
स यत्प्रमाणं कुरुते, लोकस्तदनुवर्तते॥ २१

(आच्छै पाच्छै दुनियाँ चाल्लै)

जो-जो करदा आच्छा माणस, वो-वो करदा आम आदमी।
वो जो करदा, प्रमाण बणै वो, दुनियाँ उस कै पाच्छै चाल्लै॥ २१

न मे पार्थास्ति कर्तव्यं, त्रिषु लोकेषु किंचन।
नानवाप्तमवाप्तव्यं, वर्त एव च कर्मणि॥ २२

(लाग्या करमाँ मैं मैं रहँदा)

नाँ सै मन्नै करणा बाक्की, तीन लोक मैं किम्मे अर्जन।
नाँ नाँ-पाया पाणा जो था, लग्या रहूँ सूँ सदा करम मैं॥ २२

यदि ह्यहं न वर्तेयं, जातु कर्मण्यतन्द्रितः।
मम वर्त्मानुवर्तन्ते, मनुष्याः पार्थ सर्वशः॥ २३

जै मैं अर्जन, लग्या रहूँ नाँ, सदा करम मैं तज कै गफलत।
मेरै रस्तै चाल्लै माणस, पिरथा के सुत, सभी तहँ सैं॥ २३

उत्सीदेयुरिमे लोका, न कुर्या कर्म चेदहम्।
संकरस्य च कर्ता स्यामुपहन्यामिमाः प्रजाः॥ २४

उल्टी-पुल्टी दुनियाँ हो ज्या, नाँ करूँ करम जै मैं अर्जन।
घोळ-मथोळ करणियाँ बण ज्याँ, कर दूँ खतम प्रजा ये सारी॥ २४

सक्ताः कर्मण्यविद्वांसो, यथा कुर्वन्ति भारत।
कुर्याद्विद्वांस्तथासक्तश्चिकीर्षुर्लोकसंग्रहम् ॥ २५

(ग्यात्री अग्यात्री बण करम करै)

फँसे करम मैं राग द्वेस तैं, अग्यानी ज्यूँ करम करैं सैं।
करण चहिये ग्यानी नै न्यूँ, राग छोड कै करणा चाहँदै।

लोगाँ नै उत जोड़न खात्तर॥ २५

न बुद्धिभेदं जनयेदज्ञानां कर्मसङ्गिनाम्।
जोषयेत्सर्वकर्माणि, विद्वान्युक्तः समाचरन्॥ २६

(करम मार्ग तैं ना भटकावै)

फळ की खात्तर करम करणिये, कर्माँ मैं जो धँसे-फँसे सैं।
उन नासमझाँ की बुद्धी मैं, भेद कदे नाँ करणा चहिये॥
प्रेमभाव तैं करवावै खुद, ततव समझदा करमयोग मैं।
जुड़्या करम सब करदा ग्यात्री॥ २६

प्रकृतेः क्रियमाणानि, गुणैः कर्माणि सर्वशः।
अहङ्कारविमूढात्मा कर्ताहमिति मन्यते॥ २७

सत्त्व, रजस्, तम् तीन करैं सैं, प्रकृती के गुण ये करम सभी।
'मैं', 'मैं' करदा मूर्ख बण्या यो, 'मैं कर्म करूँ सूँ', न्यूँ मात्रै॥ २७

तत्त्ववित्तु महाबाहो, गुणकर्मविभागयोः।
गुणा गुणेषु वर्तन्त, इति मत्वा न सज्जते॥ २८

समरथ बाँहाँ आळे अर्जन, बड़े-बड़े रै करम करणिये।
गुण सैं कारण, करम बिसै सैं, गुण कर्माँ के इन भेदाँ का॥
तन्त समझदा माणस किन्तू, 'गुणै गुणाँ मैं क्रिया करैं सैं'
न्यूँ मान नहीं कदे फँसदा॥ २८

प्रकृतेर्गुणसम्भूदाः, सज्जन्ते गुणकर्मसु।
तानकृत्स्नविदो मन्दान्, कृत्स्नविन्न विचालयेत्॥ २९

प्रकृती के इन तीन गुणाँ की, जद मैं आए अर भरमाए।
फँस ज्याँ सैं गुण तैं करवाए, कर्माँ मैं वैं आसक्ती रख।
पूरण नै नाँ जाणन आळे, फळ अर भोगगाँ नै जाणनिये।
मन्दमती उन नै, पूरण नै, जाणै जो, वो नाँ बिचळवै॥ २९

मयि सर्वाणि कर्माणि, संन्यस्याध्यात्मचेतसा।
निराशीर्निर्ममो भूत्वा, युध्यस्व विगतज्वरः॥ ३०

(ईस्वर पै तज करमाँ नै लड़)

मेरै ऊप्पर सब कर्माँ नै, तज कै आतमग्यानी मन तैं।
इच्छा ममता तैं तैं हट कै, लड़ ज्या तैं तज सन्तापाँ नै॥ ३०

ये मे मतमिदं नित्यमनुतिष्ठन्ति मानवाः।
श्रद्धावन्तोऽनसूयन्तो, मुच्यन्ते तेऽपि कर्मभिः॥ ३१

(यो मात्रण नाँ माननण का फळ)

जो मेरा मत यो मान सदा, आप्णे काम करैँ सैँ माणस।
सरधा आळे जो नाँ देक्खैँ, भलैँ काम मैँ कदे बुराई।
छुट्टैँ वैँ बी सब कर्माँ तैँ॥ ३१

ये त्वेतदभ्यसूयन्तो, नानुतिष्ठन्ति मे मतम्।
सर्वज्ञानविमूढांस्तान्, विद्धि नष्टानचेतसः॥ ३२

जो तो इस मैँ दोस काढदे, नाँ सैँ चाळैँ मेरे मत पै।
पा सब ज्ञान, फेर बी मूरख, जाण खतम उन अग्यानी नै। ३२

सदृशं चेष्टते स्वस्याः, प्रकृतेर्ज्ञानवानपि।
प्रकृतिं यान्ति भूतानि, निग्रहः किं करिष्यति॥ ३३

ज्ञानवान बी चेस्टा करदा, आप्णै गुण सुभाव कैँ जोग्गी।
सुभाव पै सब जा कैँ टिकदे, टोक्का-टाक्की, रोक-थाम बी।
कोण किसैँ का के कर ले गी?॥ ३३

इन्द्रियस्येन्द्रियस्यार्थे, रागद्वेषौ व्यवस्थितौ।
तयोर्न वशमागच्छेत्, तौ ह्यस्य परिपन्थिनौ॥ ३४

(राग द्वेस कैँ बस नाँ आवैँ)

इन्द्री इन्द्री कैँ बिसयाँ मैँ, राग दुवेस जरूर बणैँ सैँ।
जिद वो लागैँ आच्छा मन नै, रागभावना उस मैँ हो ज्या॥
जिद वो नाँ भावैँ मन नै तद, वो ऐँ भूण्डा लागैँ मन नै।
उन कैँ बस नाँ आणा चाहिये, दो वैँ सैँ माणस के दुस्मन॥ ३४

श्रेयान् स्वधर्मो विगुणः, परधर्मात् स्वनुष्ठितात्।
स्वधर्मे निधनं श्रेयः, परधर्मो भयावहः॥ ३५

(आपणा कर्तब सब तैँ आच्छा)

आच्छी हो सैँ आप्णी करणी, गुण तैँ होवैँ होणी बी जो।

आच्छी तहियाँ करी पराई, करणी तैँ वो हो सैँ आच्छी।
निज करणी मैँ मरणा आच्छा, करम पराया डर ल्यावैँ सैँ॥ ३५

अर्जुन उवाच

अथ केन प्रयुक्तोऽयं, पापं चरति पूरुषः।
अनिच्छन्नपि वाष्ण्यं, बलादिव नियोजितः॥ ३६

अर्जन बोल्ल्या

(पाप करण मैँ कोण गेरदा)

ईब भला हो किस तैँ प्रेरित, यो पाप करैँ माणस किरसण?
नाँ वो चाव्हेँ फिर बी अर्जन, मात्राँ जबरन, हो वो जोत्या॥ ३६

श्रीभगवानुवाच

काम एष क्रोध एष, रजोगुणसमुद्भवः।
महाशनो महापाप्मा, विद्ध्येनमिह वैरिणम्॥ ३७

श्रीभगवान बोले

(इच्छा गुस्सा पाप कराँवैँ)

इच्छा सैँ यो, गुस्सा सैँ यो, राजस गुण तैँ हो सैँ पैदा।
भोत भूखड़ा तगड़ा पाप्पी, जाण समझ तैँ इस नै बैरी॥ ३७

धूमेनाव्रियते वह्निर्यथादर्शो मलेन च।

यथोल्बेनावृतो गर्भस्तथा तेनेदमावृतम्॥ ३८

धूमैँ तैँ ज्यूँ ढँकी आग ज्या, सीस्सा ढँक ज्या धूळ मैल तैँ।
लिपट्या हो ज्यूँ गरभ जेर तैँ, त्यूँ इस तैँ यो ग्यान ढँक्या ज्या॥ ३८

आवृतं ज्ञानमेतेन, ज्ञानिनो नित्यवैरिणा।

कामरूपेण कौन्तेय, दुष्पूरेणानलेन च॥ ३९

ढँक्या ग्यान सैँ इस इच्छा नै, पूरी हो या नाँ हो पूरी।
ग्यात्री की सैँ नित की बैरी, धाप कदे नाँ इस की होन्दी।
इच्छारूपी आग बड़ी सैँ, कुन्ती के सुत अर्जन, धर ले॥ ३९

इन्द्रियाणि मनो बुद्धिरस्याधिष्ठानमुच्यते।

एतैर्विमोहयत्येष, ज्ञानमावृत्य देहिनम्॥ ४०

(चाहत गुस्सा कित सै रहँदे)

करम ग्यान की दसियाँ इन्द्री, मन अर बुद्धी इस इच्छा का।
बास महल सब कहलावैँ सैँ, मोहै या इच्छा माणस नै।

ग्यान लहको कैँ इन कैँ द्वारा ॥ ४०

तस्मात्त्वमिन्द्रियाण्यादौ, नियम्य भरतर्षभ।

पाप्मानं प्रजहि ह्येनं, ज्ञानविज्ञाननाशनम् ॥ ४१

(इन नै तैँ मार गेर दे)

इस कारण तैँ इन्द्री आप्णी, सब तैँ पहल्याँ बस मैँ कर कैँ।
भरताँ मैँ रैँ उत्तम अर्जन, उस इस पाप्पण नैँ मार गिरा।

ग्यान र अनुभव खतम करैँ जो ॥ ४१

इन्द्रियाणि पराण्याहुरिन्द्रियेभ्यः परं मनः।

मनसस्तु परा बुद्धिर्यो बुद्धेः परतस्तु सः ॥ ४२

स्थूल देह मैँ सूक्ष्म इन्द्री, इन्दर के ये काम करैँ सैँ।
करम ग्यान की दो तहियाँ की, ग्यानेन्द्री सैँ उन मैँ सूक्ष्म ॥
दसौँ इन्द्रियाँ तैँ मन ऊप्पर, मन तैँ ऊप्पर बुद्धी सूक्ष्म।
जो बुद्धी तैँ ऊप्पर सूक्ष्म, वो तो वो ए आत्मा हो सैँ ॥ ४२

एवं बुद्धेः परं बुद्ध्वा, संस्तभ्यात्मानमात्मना।

जहि शत्रुं महाबाहो, कामरूपं दुरासदम् ॥ ४३

ॐ तत्सदिति श्रीमद्भगवद्गीतासूपनिषत्सु ब्रह्मविद्यायां योगशास्त्रे

श्रीकृष्णार्जुनसंवादे कर्मयोगो नाम तृतीयोऽध्यायः ॥ ३ ॥

न्यूँ बुद्धी तैँ जाण सूक्स्म नै, थाँभ स्वयं नै आप्णैँ तैँ तैँ।
जिस नै बस मैँ करणा मुस्कल, इच्छारूपी उस दुस्मन नै।

मार, बड़ी-सी बाज्जू आळे, बिक्रमकारज भोत करणिये ॥ ४३

स्रीमती सीतादेब्बी अर स्रीस्रीनिवास सास्तरी कैँ बैट्टैँ सिवनारायण

सास्तरी कैँ हरियाणी भास्सा कैँ गीतायन काब्ब्यभास्स्य मैँ

तीसरा अध्याय पूरा होया ॥ ३ ॥

पूर्वसलोकयोग ११९ + ४३ = १६२